

მომსახურების გაწევის ადგილები

1. ქ. თბილისი, ალ. ყაზბეგის გამზ. #12 - საქართველოს რეგიონული განვითარებისა და ინფრასტრუქტურის სამინისტროს ადმინისტრაციული შენობის პირველი, მეორე და მესამე (ნაწილობრივ) სართულები საერთო ფართობით - 2 489.65 მ² და შენობის შიდა ეზოში არსებული კომუნიკაციების ტექნიკური მომსახურება.

2. ქ. თბილისი, დიდმის მასივი, მე-3 კვარტალი, კორპ. #2 - საქართველოს რეგიონული განვითარებისა და ინფრასტრუქტურის სამინისტროს მობილიზაციისა და სამხედრო სამსახურში გაწევის კოორდინირების სამსახურის ადმინისტრაციული შენობის, შენობის ეზოს, ეზოში განთავსებული საყარაულო ოთახისა და გარე საპირფარეშოების ტექნიკური მომსახურება.

ტექნიკური დავალება, მიწოდების ვადები და ადგილი

1. მიმწოდებელმა უნდა უზრუნველყოს სატენდერო დოკუმენტაციის დანართი №1-ით (პრეისკურანტი) გათვალისწინებული შენობის მოწყობილობების შეკეთება და ტექნიკურ მომსახურება.

2. მომსახურების გაწევა უნდა განხორციელდეს შესაბამისი კვალიფიკაციის მქონე ტექნიკური პერსონალის მიერ, რომლებიც აღჭურვილი უნდა იყვნენ ყველა საჭირო ხელსაწყოთი;

2.1 მომსახურების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის, ექსპლუატაციაში არ მყოფი და შეესაბამებოდეს ამ სფეროში აღიარებულ სტანდარტებს.

2.2 მომსახურების შესრულების პროცესში გამოსაყენებელი მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება აღიარებულ სტანდარტებს და შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისთვის მისაღები მასალა, მოწყობილობა ან/და სხვაგვარად შეასრულოს სამუშაო.

2.3 მიმწოდებელი ვალდებულია მომსახურების გაწევის პროცესში მინიმუმამდე დაიყვანოს მუშაობით გამოწვეული ხმაური, ვიბრაცია და მტვრის გავლენა. არ უნდა შეუშალოს ხელი სამუშაო პროცესს.

2.4 მიმწოდებელი ვალდებულია მომსახურების გაწევის პროცესში შემსყიდველისთვის მიყენებული მატერიალური ზარალი აანაზღაუროს ან/და აღმოფხვრას საკუთარი ხარჯით (პირველად მდგომარეობაში აღდგენის ჩათვლით).

2.5 მომსახურების დასრულების შემდეგ, შემსრულებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მოწყობილობა-დანადგარებისგან, მასალებისგან, სამშენებლო ნაგვისგან ა.შ.

2.6 მომსახურების შესრულების პროცესში მიმწოდებელმა უნდა უზრუნველყოს სამუშაო ადგილის შემოფარგვლა.

2.7 მიმწოდებელი პასუხისმგებელია მომსახურების გაწევის/სამუშაოების დასრულების შემდეგ, შენობაში განლაგებული ინვენტარის საჭირო და სათანადო აღდგენაზე (მონტაჟისას შესაძლებელია კონკრეტულმა ადგილმა ან შენობის ნაწილმა მოითხოვოს მცირე სარემონტო სამუშაოები, შენობის პირვანდელ მდგომარეობაში მოყვანის ჩათვლით, რომლის ღირებულებაც მიმწოდებელმა უნდა გაითვალისწინოს შემოთავაზებული წინადადების ღირებულებაში).

2.8 მიმწოდებელი ვალდებულია გასწიოს მომსახურება 24 საათის განმავლობაში, ამასთან ჩასატარებელი სამუშაოების პერიოდი თანხმდება შემსყიდველთან.

2.9 შემსყიდველის მოთხოვნის შემთხვევაში, მიმწოდებელი ვალდებულია ადგილზე შექმნას პრეისკურანტში მოცემული ხშირი მოხმარების და სწრაფფუჭებადი საქონლის (ნათურები, განათების რელეები, კარის საკეტები და ა.შ.) გარკვეული მარაგები.

3. მიმწოდებელი ვალდებულია შემსყიდველის შეტყობინებიდან არაუგვიანეს 1 (ერთი) კალენდარულ დღეში, გადაუდებელი აუცილებლობის შემთხვევაში არაუმეტეს სამ საათში, მოახდინოს შესაბამის მისამართზე გამოცხადება და დეფექტური აქტის შედგენა.

4. ტექნიკური დავალების მიღების და გამოძახების თარიღად ითვლება სამინისტროს უფლებამოსილი პირ(ებ)ის მიერ სატელეფონო შეტყობინების ან ელ. ფოსტაზე ტექსტური შეტყობინების გაგზავნის თარიღი; ადგილზე ობიექტის მონახულების შემდგომ, შემსყიდველთან შეთანხმებით, მიმწოდებელი იწყებს დაზიანების აღმოფხვრას გონივრულ ვადაში, მაგრამ არაუმეტეს 3 (სამი)დღისა. გადაუდებელი აუცილებლობისას კი იმავე დღეს.

5. პრეტენდენტის მიერ წარმოდგენილ მომსახურების პრეისკურანტში მოცემული ერთეულის ფასების კლება უნდა განხორციელდეს სატენდერო დოკუმენტაციაში მოცემული დანართი №1-ის (პრეისკურანტი) ზღვრული ერთეულის ფასებიდან, არანაკლებ სატენდერო დოკუმენტაციასა და სატენდერო განცხადებაში მოცემული პრეისკურანტის ჯამურ სავარაუდო ღირებულებასა და პრეტენდენტის მიერ სისტემაში დაფიქსირებულ საბოლოო ფასს შორის არსებული პროცენტული სხვაობით, რომელიც დამრგვალებული უნდა იყოს მეასედის სიზუსტით.

6. დანართი №1-ში (პრეისკურანტი) მომსახურების ან/და საქონლის რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას დადგინდება შემსყიდველი ორგანიზაციასა და მიმწოდებელს შორის შეთანხმებით საბაზრო ფასის გათვალისწინებით. ასეთ შემთხვევაში, პრეისკურანტში მომსახურების ან/და საქონლის ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

7. პრეისკურანტის სავარაუდო ჯამური ღირებულება შეადგენს **22977,08** (ოცდა ორი ათას ცხრაას სამოცდა ოცდამეტი და 08 თეთრი)ლარს.

8. ტენდერში გამარჯვებულ პრეტენდენტთან ხელშეკრულება გაფორმდება **20000** (ოციათასი) ლარზე, ელექტრონული ვაჭრობა გაიმართება მომსახურების პრეისკურანტში მოცემული საქონლისა და მომსახურების ზღვრული ერთეული ფასების ჯამურ ღირებულებაზე.

9. პრეისკურანტში მითითებული საქონლის ან მომსახურების ფასი უნდა იყოს საბოლოო და მოიცავდეს კონკრეტული მომსახურების გაწევასთან დაკავშირებული თანმდევ-მომსახურების ღირებულებასაც.

10. ტექნიკური მომსახურება გულისხმობს სატენდერო დოკუმენტაციის დანართი №1-ით გათვალისწინებული შენობის მოწყობილობების (ელ. გაყვანილობები, ცენტრალური გათბობისა

და გაგრილების სისტემები) დროულ და სრულყოფილ შეკეთებას; პროფილაქტიკური და დიაგნოსტიკური მომსახურების გაწევას; ტექნიკის ნაწილების (დეტალების) შეკეთებას ან/და გამოცვლას.

11. პრეისკურანტით გათვალისწინებული საქონლის მონტაჟისთვის საჭირო ყველა სახარჯი მასალა გათვალისწინებული უნდა იქნეს საქონლის ღირებულებაში.

12. მომსახურება განხორციელდება 2021 წლის განმავლობაში, ეტაპობრივად შემსყიდველთან შეთანხმებით შესაბამის დეფექტურ აქტში მითითებული გონივრული ვადების გათვალისწინებით.

13. მიმწოდებლის მიერ შეცვლილ ან/და შეკეთებულ ნაწილებზე (დეტალებზე) გარანტია უნდა ვრცელდებოდეს შესაბამისი მიღება-ჩაბარების აქტის გაფორმებიდან არანაკლებ 6 (ექვსი) თვის განმავლობაში, გარდა იმ შემთხვევისა, როდესაც დაზიანება გამოწვეულია მექანიკური ზემოქმედებით.

14. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია შემსყიდველის მიმართვიდან გონივრულ ვადაში, მაგრამ არაუგვიანეს 3 (სამი) კალენდარულ დღის ვადაში გამოასწოროს წუნი.

15. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.